



Rudnik mrkog uglja "Đurđevik" d.o.o. - Đurđevik

Broj: 03- 1100/23

Dana, 23.8 2023. godine

Na osnovu člana 20a. Zakona o radu ("Službene novine Federacije BiH", broj:26/16, 89/18 i 44/22), člana 4. Uredbe o postupku prijema u radni odnos u javnom sektoru u Federaciji Bosne i Hercegovine ("Službene novine Federacije BiH", broj: 13/19, 9/21 i 53/21), Odluke o potrebi prijema radnika u radni odnos na određeno vrijeme broj: 03-3626//23 od 13.06.2023.godine kao i člana 48. Statuta Rudnik mrkog uglja "Đurđevik" d.o.o. - Đurđevik, a u vezi sa Javnim oglasom broj: 03-3627/23 od 13.06.2023. godine objavljen u dnevnom listu „Dnevni avaz“ dana 20. juna 2023. godine, **u kojem nije bilo dostavljenih prijava na radna mjesta Pomoćnik bušača, Rukovaoc pumpe, Rukovaoc gumenih i grabuljastih transportera i Rukovaoc postrojenja i transportera na separaciji**, Direktor Društva i Prokurista Rudnika mrkog uglja „Đurđevik“ d.o.o. - Đurđevik, **r a s p i s u j u**

PONOVLJENI JAVNI OGLAS

za prijem radnika u radni odnos na određeno vrijeme u trajanju do 12 (dvanaest) mjeseci

Raspisuje za oglas za prijem radnika u radni odnos **na određeno vrijeme u Rudnik mrkog uglja "Đurđevik" d.o.o u Đurđeviku, u trajanju do 12 (dvanaest) mjeseci**, za radna mjesta kako slijedi:

1. Pomoćnik bušača

1 izvršilac

Kratak opis poslova radnog mjesta: Opslužuje bušaču garnituru za vrijeme rada i navodi bušača na mjesto naznačeno za bušenje; čisti i podmazuje bušaču garnituru i pribor za bušenje; pomaže kod opravke bušilice; obavlja i druge poslove i radne zadatke po nalogu neposrednog rukovodioca.

Pored opštih zakonskih uslova (da je punoljetan, zdravstveno sposoban za obavljanje poslova navedenog radnog mjesta i da je državljanin BiH), kandidat treba da ispunjava i slijedeće posebne uslove:

- Završen III stepen stručne sprema rudarske struke i 6 mjeseci radnog iskustva.

2. Rukovaoc pumpe

3 izvršioca

Kratak opis poslova radnog mjesta: Radne zadatke prima od nadzornika smjene; po dolasku na radno mjesto pregleda knjigu primopredaje dužnosti o radu i ispravnosti pumpe; pridržava se izdatog uputstva o rukovanju pumpnim postrojenjem; uočene nedostatke prijavljuje poslovođi smjene, odnosno nadzorniku mašinskih i elektro poslova; vrši odzračenje pumpi prije puštanja u rad; svakodnevno kontrolira čistoću usisne korpe a po potrebi vrši čišćenje iste; vizuelnim opažanjem i sluhom prati rad pumpe; prije puštanja pumpe u rad obavezno provjerava ispravnost spojnice između pumpe i elektro motora; pri radu pumpe prati nivo vode i na vrijeme isključuje pumpu; obavlja i druge poslove i radne zadatke po nalogu neposrednog rukovodioca.

Pored opštih zakonskih uslova (da je punoljetan, zdravstveno sposoban za obavljanje poslova navedenog radnog mjesta i da je državljanin BiH), kandidat treba da ispunjava i slijedeće posebne uslove.

- Završen IV/III stepen stručne spreme, tehničke struke i 6 mjeseci radnog iskustva.

3. Rukovaoc gumenih i grabuljastih transportera

7 izvršioca

Kratak opis poslova radnog mjesta: Radne zadatke prima od poslovođe smjene; vrši pregled i puštanje u rad i zaustavljanje trakastog transportera; dok su transporter u pogonu mora da prati zvučne i svjetlosne signale i da po potrebi zaustavi transportere na dati signal; daje odgovarajući zvučni ili svjetlosni signal kad je transporter potrebno uključiti u pogon; za vrijeme mirovanja transportera čisti rasuti ugalj i drugi materijal; strogo vodi računa da rasuti materijal ne dođe pod valjke i pogon transportera; vrši pregled i puštanje u rad i zaustavljanje grabuljastih transportera u jami; obavlja i druge poslove i radne zadatke po nalogu neposrednog rukovodioca.

Pored opštih zakonskih uslova (da je punoljetan, zdravstveno sposoban za obavljanje poslova navedenog radnog mjesta i da je državljanin BiH), kandidat treba da ispunjava i slijedeće posebne uslove:

- Završen II stepen stručne spreme, 6 mjeseci radnog iskustva i položen PIRM ispit.

4. Rukovaoc postrojenja i transportera na separaciji

1 izvršilac

Kratak opis poslova radnog mjesta: Poslove i naređenja prima od neposrednog rukovodioca; vodi računa o doziranju rovnog uglja iz drobilice do bunkera rovnog uglja da ne dođe do zatrpavanja bunkera; evidentira rad transportnog postrojenja kao i količinu protoka rovnog uglja i te podatke unosi u knjigu primopredaje; rukuje strojevima za pripremu rovnog uglja u predklasirnici u skladu sa pismenim uputstvima izdatih od strane odgovornih lica; radno mjesto ne smije napuštati dok se ne javi nadzorniku i dok mu se ne pošalje zamjena; vrši čišćenje stroja na kojem radi; obavlja i druge poslove i radne zadatke po nalogu neposrednog rukovodioca.

Pored opštih zakonskih uslova (da je punoljetan, zdravstveno sposoban za obavljanje poslova navedenog radnog mjesta i da je državljanin BiH), kandidat treba da ispunjava i slijedeće posebne uslove:

- Završen II stepen stručne spreme, 6 mjeseci radnog iskustva i položen PIRM ispit.

Kandidati moraju ispunjavati opće i posebne uslove.

Opći uslovi su:

1. da je stariji od 18 godina,
2. da je državljanin Bosne i Hercegovine,
3. da je zdravstveno sposoban za obavljanje radnog mjesta na koje se prijavljuje.

Posebni uslovi su:

1. da ima propisani stepen stručne spreme,
2. da ima traženo radno iskustvo,
3. da ima položen tražen ispit (PIRM).

Uz svojeručno potpisanu prijavu, potrebno je dostaviti:

1. uvjerenje o državljanstvu (ne starije od 6 mjeseci),
2. fotokopiju lične karte,
3. uvjerenje o prebivalištu izdato od CIPS-a (ne starije od 3 mjeseca),
4. dokaz o stručnoj spremi,
5. potvrdu o radnom iskustvu,

6.dokaz o položenom posebnom ispitu (PIRM).

Dokumenti koji se prilažu uz prijavu moraju biti originali ili ovjerene kopije.

Neblagovremene i nepotpune prijave neće se uzimati u razmatranje.

Pored navedene dokumentacije kandidati koji su demobilisani borci, članovi porodice šehida ili poginulih boraca, zatim kandidati koji imaju status ratnog vojnog invalida trebaju dostaviti dokaz o navedenoj činjenici u skladu sa propisima kojima se reguliše oblast boračko-invalidske zaštite.

Kandidati koji se prijavljuju na više radnih mjesta podnose prijave za svako radno mjesto pojedinačno i uz svaku prijavu dostavljaju traženu dokumentaciju.

Kandidati koji budu ispunjavali uslove navedene Oglasom, biće pozvani na usmeni, pismeni, odnosno oba ispita zavisno od radnog mjesta na koje se prijavljuju, o čemu će biti blagovremeno obaviješteni.

Samo izabrani kandidati, biti će u obavezi dostaviti ljekarsko uvjerenje kao dokaz da njihovo zdravstveno stanje i psihofizičke sposobnosti odgovaraju uslovima radnog mjesta na koje su izabrani.

Oglas ostaje otvoren 8 (osam) dana od dana objavljivanja.

Prijave sa dokazima o ispunjavanju uslova predviđenih Javnim oglasom dostaviti neposredno na protokol RMU "Đurđevik" d.o.o. Đurđevik ili preporučenom poštom sa naznakom:

„PRIJAVA NA JAVNI OGLAS ZA - NE OTVARATI“

Na adresu:

RMU "Đurđevik" d.o.o. Đurđevik
75272 Đurđevik

Prokurista

Dr.sci.Admir Jahić,dipl.inž.elektrotehnike



Direktor

Husein Trumić,dipl.inž.mašinstva